



Bosna i Hercegovina
Federacija Bosne i Hercegovine
Tuzlanski kanton
GRAD GRADAČAC

H.K. Gradaševića 54, 76 250 Gradačac, telefon 035-369-750, fax. 035-369-751, e.mail: opc.grad@bih.net.ba, www.gradacac.ba

GRADONAČELNIK

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06 i 51/09) i člana 7. Statutarne odluke o organizaciji Grada Gradačac u skladu sa Zakonom o Gradu Gradačac („Službeni glasnik Grada Gradačac“ broj 1/19), Gradonačelnik d o n o s i,

P R A V I L N I K

o kriterijima i postupku za ostvarivanje prava na refundiranje dijela troškova nabavke senzora za bezbolno i kontinuirano mjerenje šećera u krvi djeci i omladini za 2022. godinu

Član 1.

Ovim Pravnikom utvrđuju se kriteriji, način i postupak raspodjele sredstava iz Budžeta Grada Gradačac za 2022. godinu u svrhu ostvarivanja prava na refundiranje dijela troškova nabavke senzora za bezbolno i kontinuirano mjerenje šećera u krvi djeci i omladini.

Za ove svrhe i namjene koristiće se sredstva Budžeta Grada Gradačac za 2022. godinu s budžetske pozicije „614239/1 Ostali grantovi pojedincima (novorođena djeca, djeca sa dijabetesom i posebnim potrebama)“.

Član 2.

Djeci i omladini od 15 do 30 godina oboljelim od dijabetesa melitusa (tip 1) koji imaju prebivalište na području grada Gradačac, može se odobriti jednokratna novčana pomoć iz Budžeta Grada Gradačac za refundiranje dijela troškova nabavke senzora za bezbolno i kontinuirano mjerenje šećera u krvi. Pravo na refundiranje dijela troškova osobama iz stava 1. ovog člana može se odobriti jednom u toku godine i to u iznosu od 900,00 KM.

Član 3.

Pravo iz prethodnog člana mogu ostvariti osobe iz člana 2. ovog Pravilnika koje ispunjavaju sljedeće uslove:

- a) da imaju prebivalište na području grada Gradačac.
- b) da imaju dijagnostikovano oboljenje dijabetes mellitus tip 1 (Diabetes Mellitus Juvenilis) od strane nadležnog ljekara.
- c) da se nalaze na evidenciji Centra za socijalni rad kao korisnici prava po osnovu ove bolesti.

Član 4.

Postupak za ostvarivanje prava na jednokratnu novčanu pomoć za refundiranje dijela troškova nabavke senzora za bezbolno i kontinuirano mjerenje šećera u krvi pokreće se na zahtjev oboljele osobe ili zakonskog zastupnika oboljele osobe.

Uz zahtjev potrebno je dostaviti sljedeću dokumentaciju:

- Izvod iz matične knjige rođenih (fotokopija),
- Dokaz o prebivalištu na području grada Gradačac -PBA-3 obrazac (fotokopija),

- Posljednji nalaz nadležnog ljekara (endokrinologa, kliničkog pedijatra ili kliničkog interniste) sa dijagnozom dijabetes mellitus tip 1 (fotokopija),
- Rješenje Centra za socijalni rad o priznavanju prava na osnovu bolesti (fotokopija),
- Podaci o tekućem računu podnosioca (instrukcija za plaćanje izdata od strane banke),,
- Dokaz o ostvarenom pravu i iznosu sredstava za nabavku senzora za bezbolno i kontinuirano mjerenje šećera u krvi putem Zavoda zdravstvenog osiguranja Tuzlanskog kantona -za osobe koje ostvaruju ovo pravo (fotokopija).

Član 5.

Postupak za ostvarivanje prava na jednokratnu novčanu pomoć za refundiranje dijela troškova nabavke senzora za bezbolno i kontinuirano mjerenje šećera u krvi, provodi Gradska služba za društvene djelatnosti i boračko-invalidsku zaštitu, u skladu sa odredbama Zakona o upravnom postupku („Službene novine Federacije Bosne i Hercegovine“, broj 2/98, 48/99 i 61/22).

Odobreni iznos jednokratne novčane pomoći za refundiranje dijela troškova nabavke senzora za bezbolno i kontinuirano mjerenje šećera u krvi uplaćuje se na tekući račun podnosioca zahtjeva.

Član 6.

Za realizaciju i nadzor nad primjenom ovog Pravilnika zadužuje se Pomoćnik Gradonačelnika za društvene djelatnosti i boračko-invalidsku zaštitu.

Član 7.

Ovaj Pravilnik stupa na snagu danom donošenja a objaviće se u „Službenom glasniku Grada Gradačac“.



Broj:02-04-2706/22

Gradačac, 28.10.2022. godine